

Yucatec Quili'ich Dzíibo' - Agape - God's Love Letter Scriptures

Juan 15:9 Tene' in yaabiltma'ex bey je'el bix u yaabiltma'en le Taatao'. P'áatene'ex túun ti' in yaacunaj.

Isaías 43:1 Ba'ale' Israel u caajil Jacob, Yuumtzil le máax beetmailecho' cu ya'alic ti' teech: Ma' a sajactal, tumen dzo'oc in jáalkabtiquech; teen tin t'aanajech ta kaaba', in ti'alech.

Jeremías 1:5 Ma'ilí' in dzáa a cuxtale', dzo'oc ca'ach in kaj óoltiquech; ma'ilí' síjiqueche', dzo'oc ca'ach in jun páaycuntiquech, u ti'al a beetic u aj bóobatil caajo'obo'.

Juan 15:16 Ma' te'ex ta yéeyajene'exi', teen tin yéeyaje'ex ca tin kubentaj te'ex ca xi'ique'ex u ti'al ca a dza'ex ya'ab ich yéetel ca p'aatac mantadz a wiche'ex. Bey túuno' le Taatao' je'el u dzáic te'ex tuláacal ba'ax ca a káate'ex ti' tin kaaba'e'.

3 Juan 1:2 In yaabilaj sucu'un, in payalchi'e' u ti'al ca xi'ic teech utzil ti' tuláacal ba'al yéetel u ti'al ca yanac teech toj óolal, je'el bix táan u bin teech utzil ti' a pixane'.

Isaías 43:4 tumen utz a lúubul ti' teen, co'oj a tojol in ti'al, tene' in yaabilmajech. Tu yo'olal in ti'alintiquech, yéetel u ti'al in toquic a cuxtale', quin kubic wíinico'ob yéetel múuch' caajo'ob.

Jeremías 31:3 Yuumtzile' chícpaj ti' teen úuchi, ca tu ya'alaj ti' teen: Tene' tin yaabiltajech yéetel yaacunaj mina'an xu'ulul; le t óolal quin bisiquinbáa ta wéetel yéetel utzil.

Oseas 11:8 ¿Efraín bix je'el u páajtal in p'atiache'? ¿Bix je'el u páajtal in xúump'atiache', Israel? ¿Je'el wa u páajtal in ch'éejsiquech je'el bix tin ch'éejsilac u noj caajil Adma, wa bíin in beet ta wéetel je'el bix tin beetaj ti' Zeboime'? ¡In pucsi'ikale' péecnaja'an u yóol, chuup yéetel ch'a'a óotzilil ta wo'olal!

Juan 3:16 Tumen Kue' tu sen yaabiltaj le yóokolcaaba, ca tu dzaj u jun túulilí a Paal, u ti'al tuláacal le máax cu yocsic u yóol ti'e' ma' u sa'atal, ba'ale' ca yanac cuxtal mina'an u xuul ti'.

Isaías 49:15,16 Ba'ale' ¿je'el wa u tu'ubsa'aj jun túul maamatzile' je'el wa u táabal u xúunp'at jun túul u paale'? Quex leti' ca u tu'ubse, tene' ma' bíin in tu'ubse'echi'. 16 Tene' in t'al dzíibtmajech tin kab, mantadz ti' yaan tin tuucul a tuulumilo'obe'.

Isaías 41:13 Tumen teen Yuumtzil a Kue', dzo'oc in machiquech ta kab; tene' tin wa'alaj ti' teech: Ma' a sajactal, teen áantiquech.

Mateo 28:20 yéetel ca'anse'exo'ob u dzo'ocbeso'ob tuláacal ba'ax in wa'almaj

ti' te'ex. Yéetel ojéelite'exe tene' ti' yanen ta wéetele'exe' tuláacal kiino'ob tac tu xuul yokóolcaab. Amen.

Juan 14:1 Ma' u jach sa'atal a wóole'ex. A wocsmaj a wóole'ex ti' Kue' ocs a wóole'ex xan ti' teen.

Isaías 41:14 Yuumtzile' cu ya'alic: Israel u caajil Jacob, quex sen chichanech yéetel j ma' muukeche', ma' a ch'a'ic sajaquil; teen áantiquech. Teen u quili'ich Ku Israele', teen a j tocsajil.

Isaías 43:2 Wa yaan a ch'aacat ich ja'e', bíin ti' yanaquen ta wéetel, wa kabéet a ch'actic áalcab ja'obe', ma' bíin búuluquechi'; wa yaan a máan ich káake' ma' bíin elequechi', ma' bíin tóoch'banac káako'ob ti' techo'.

Salmos 23:1-6 Yuumtzile' in aj canan, mix ba'al cu bineltic teen. 2 Tu cúuchilo'ob qui'iqui' janal cu beetic in je'elel, tu yicnal u sayabil jeedzel ja'ob cu bisiquen, 3 cu dzáic ti' teen túumben muuko'ob, cu bisiquen ti' toj bejo'ob, beyo' cu dzáic tziiquid ti' u kaaba'. 4 Quex ca máanaquen ichil u sen éekjoche'enil u taamil áactune', ma' bíin in ch'a'a' sajaquil ti' mix jun p'éel loobi', tumen teche' Yuumtzil, ti' yanech tin wéetele'; u yaakil a jaadz yéetel a xólte'e' cu lukesic in sajaquil. 5 Tu táan yich máaxo'ob p'ectmailene' dzo'oc a nu'ucbesic ti' teen jun p'éel noj janal; ta ji'ibkabtaj in pool yéetel qui'iboc ja' dzo'oc xan a túul chuptic u nu'cul in wukul. 6 A wutzil yéetel a yaacunaje' cu láakintiqueno'ob ti' tuláacal u kiinilo'ob in cuxtal; ta wotoch xane' Yuumtzil, bíin cajlaquen u ti'al ja'abo'ob mina'an u xuul.

Juan 14:27 Táan in bin, p'áatene'ex ich jéedzel. In jéedzel quin dzáic ti' te'ex. Ba'ale' ma' táan in dzáic je'el bix cu dzáic jéedzel le máaxo'ob yóokolcaabilo'. Ma' u sa'atal a wóole'ex mix a sajactale'ex.

Filipenses 4:7 Ku túune' bíin u dzáa te'ex jéedzel óolal, lela' mas nojoch ti' le cu páajtal u na'atic máaco'; le jéedzel óolal bíin u canant a pucsi'ikale'ex yéetel a tuucule'ex ti' Cristo Jesús.

Proverbios 3:24 Le quéen a je'elsajbáe' ma' bíin a ch'a'a sajaquili'; le quéen chilaqueche' bíin qui'iqui' wenequech.

Salmos 4:8 Tene' quin chital x ma' sajaquil, tu séeblaquil xan quin wenel, tumen teche' Yuumtzil, ca beetic in cuxtal x ma' sajaquil.

Salmos 33:18 Ba'ale' Yuumtzile' mantadz cu canantic le máaxo'ob tzirique' yéetel cu kub óoltico'ob u yaacunaje',

Romanos 5:2 Tumen tu yo'olal Cristoe' dzo'oc c oocol ti' le siibal utzila' tu yo'olal le ocsaj óolalo'. Ti' le siibal utzila' jeedzel anilo'on yéetel cu qui'imacchajal c óol ti' u alab óolalil u nojbe'enil Junab Ku.

Isaías 55:12 Te'exe' bíin jóokoque'ex yéetel qui'imac óolal te tu'ux yane'exo', bíin suunaque'ex yéetel jéedzel ta lu'ume'ex. Le quéen ila'ac tumen pu'uco'ob bey xan tumen jo'ol lu'umo'ob bíin wéekec u qui'iqui' kaayo'ob tuláacal túun u che'ilob káaxe' bíin lalaj kabnaco'ob.

Juan 16:22 Bey xan te'ex táan a mukyaje'ex beora', ba'ale' yaan in suut in wile'ex; le quéen suunaquene' yaan u chu'upul a pucsi'ikale'ex yéetel qui'imac óolal, jun p'éel qui'imac óolal mix máac cun páajtal u lukesic te'ex.

Lucas 12:9 Ba'ale' le máaxo'ob ma' tu utzil t'aano'ob tin wo'olal tu táan máaco'obe', ma' bíin utzil t'anta'ac tu táan u ángelo'ob Kui'.

Mateo 10:30 Tumen tac u tzo'otzel a poole'exe' láaj xoca'an tu jujun cúulil.

Isaías 54:10 Quex ca kexpajac tu cúuchil le pu'uco'ob quex xan jenchajac le múulo'obo', in yaabilaj ti' teche' ma' bíin kexpajaqui' mix bíin p'aatac x ma' biilal in jéedzel nup t'aani'. Bey u ya'alic Yuumtzil máax ch'a'ic teech óotzilil.

Mateo 11:28-30 Co'otene'ex ti' teen, tuláacale'ex máaxe'ex ca'anane'ex ti' a meyaje'ex yéetel máax aal a cuche'ex, teen bíin in beet a je'ele'ex. 29 Bise'ex in cuch ta wóokole'ex, yéetel canbalnene'ex ti' teen, tumen tene' chuca'an in wóol yéetel cabal u yóol in pucsi'ikal; beyo' bíin a caxte'ex je'elel u ti'al a pixane'ex. 30 Tumen in cuche' ma' aali' yéetel sáal u bisa'al.

Cantares 2:10 In yaabilaje' tu ya'alaj ti' teen: Líiken, in yaabilaj líiken, co'ox.

Oseas 2:14,19,20 Tene' bin in ca'aj in we'es in yaacunaj ti': bin in ca'aj bis jun páayil, bíin in wa'al ba'alo'ob jadzutz ti'. 19 Israel tene' bíin dzo'ococ in beel ta wéetel u ti'al ca in watantech, u ti'al ja'abo'ob mina'an u xuul, jach jun p'éelech watan in ti'al, je'el bix u najmale', tumen in yaabilmajech yéetel tuláacal in pucsi'ikal. 20 Tene' bíin in beetech jun túul in watan in ti'al, bíin chúucpajac in wóol ti' teech, teech túune' bíin a kamen bey a Yuumtzile'.

Éxodo 3:14 Kue' tu núucaj ti': TEENE' TEEN MÁAXEN. Ca wa'alic ti' le israelitaobo': TEENE' TEEN tu túuxtajen ti' te'ex.

Oseas 13:4 Yuumtzile' cu ya'alic: Teen Yuumtzil, tene' a Kuen likbal yanilech ca'ach tu lu'umil Egipto: Ma' a Kuintic u láak ku, tumen chéen teen a tocsajil.

Juan 15:14 Te'exe' in amigoex wa ca beetique'ex le ba'ax quin wa'alic te'exo'.

Apocalipsis 3:20 Il a wile' tene' ti' yanen tu jool naje' táan in t'aan. Wa máax cu yu'ubic in t'aane', yéetel cu je'ic le jool najo', quin wocol tu yicnal, quin janal tu yéetel, leti' xane' cu janal tin wéetel.